

《龍樹菩薩為禪陀迦王說法要偈》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 32, No. 1672

No. 1672 [Nos. 1673, 1674]

龍樹菩薩為禪陀迦王說法要偈

宋罽賓三藏求那跋摩譯

禪陀迦王應當知	生死苦惱多眾過
悉為無明所覆障	吾欲為彼興利益
譬如刻畫造佛像	智者見之宜恭敬
我依如來說正法	大王亦應深信受
汝雖先聞牟尼言	今若聽受轉分別
猶如華池色清淨	月光垂照踰暉顯
佛說六念當修習	所謂三寶施戒天
修行十善淨三業	離酒放逸及邪命
觀身命財速危朽	應施福田濟窮乏
施為堅牢無與等	最為第一親近者
勤修淨戒除瑕穢	亦莫憊求願諸有
譬如大地殖眾物	戒亦如是生諸善
修忍柔和捨瞋恚	佛說是行最無上
如是精進及禪智	具此六行超生死
若能在在家孝父母	此即名為勝福田
現世流布大名稱	未來福報轉無量
殺盜婬欺耽荒酒	雕床高廣及香熏
謳歌倡伎過時食	如斯眾惡宜遠離
若少時間修此戒	必受天樂昇涅槃
慳嫉貪欲及諂偽	誑惑顛倒與懈怠
如此眾惡不善法	大王當觀速棄捨
端正尊豪及五欲	當知危朽若泡沫
莫恃若斯不堅法	憍逸自恣生諸苦
欲長諸善證甘露	應當遠離如棄毒
有能精勤捨瞋慢	譬如除雲顯秋月
猶如指鬘與難陀	亦如差摩賢聖等
如來說有三種語	入意真實虛妄言

入意如花實猶蜜
應當修習前二言
從明入明四種法
二種入明是應修
菴婆羅果四種變
當以智慧深觀察
雖見女人極端嚴
設起貪欲染愛心
是心躁動宜禁制
欲心若起應驚怖
欲為無利如怨毒
生死輪迴過獄縛
六入躁動馳諸境
若能如是攝諸根
是身不淨九孔流
薄皮覆蔽似清淨
諸有智人乃分別
譬如疥者近猛焰
貪欲之想亦復然
見身實相皆不淨
若能修習斯觀者
雖有色族及多聞
雖處醜賤少聞見
利衰八法莫能免
諸有沙門婆羅門
莫為彼意受其言
設為此等起諸過
夫造眾惡不即報
臨終罪相始俱現
信戒施聞慧慚愧
真實無比牟尼說
大王若集此勝財
博奕飲酣好琴瑟
非時輕躁多動亂
知足第一勝諸財

虛妄鄙惡若糞穢
速宜除斷虛妄者
王當分別諦思惟
若就癡冥當速捨
人難分別亦如是
若實賢善宜親近
當作己母姊妹想
應當正修不淨觀
如防身命及珍寶
猶畏刀劍惡獸等
如此之言牟尼說
應當勤修求解脫
應當攝持莫放逸
勝於勇將摧強敵
無有窮已若河海
猶假瓔珞自莊嚴
知其虛誑便棄捨
初雖暫悅後增苦
始雖樂著終多患
即是觀於空無我
於利益中最無上
若無戒智猶禽獸
能修戒智名勝士
若有除斷真無匹
父母妻子及眷屬
廣造不善非法行
未來大苦唯身受
非如刀劍交傷割
後入地獄嬰諸苦
如是七法名聖財
超越世間眾珍寶
不久亦證道場果
懈怠憍逸及惡友
如斯七法當遠離
如此之言世尊說

知足雖貧可名富
若豐財業增諸苦
當觀美味如毒藥
為存此身雖應食
於諸欲染當生厭
調和此身令安隱
一夜分別有五時
初中後夜觀生死
四無量定當修習
若專繫念四禪心
有為遷動皆無常
無我無樂不清淨
若有深觀此法門
修行五戒斷五邪
譬如少鹽置恒河
微細之惡遇眾善
五邪若增劫功德
信等五根眾善源
生等八苦常熾燃
欲求天樂及涅槃
雖有利智入邪道
四種顛倒害諸善
謂色非我我非色
於色生此四種心
是二十心名顛倒
法不自起冥初生
皆從無明愛業起
大王既知此等因
身見戒取及疑結
王若毀壞令散滅
譬如盲人問水相
欲求涅槃亦如是
欲假眷屬及知識
是故大王當精進
施戒多聞及禪定

有財多欲是名貧
如龍多首益酸毒
以智慧水灑令淨
勿貪色味長憍慢
勤求無上涅槃道
然後宜應修齋戒
於二時中當眠息
宜勤求度勿空過
是名開於梵天道
命終必生彼天處
苦空敗壞不堅固
如是悉名對治法
未來常處尊豪位
是亦大王所應念
不能令水有鹹味
消滅散壞亦如是
王當除滅令莫長
是宜修習令增盛
當持慧水灑令滅
應勤修習正知見
微妙功德永無餘
是故當觀莫令生
我中無色色無我
自餘諸陰皆如是
若能除斷為最上
非自在作及時有
若無因緣便斷壞
當燃慧燈破癡闇
此三能障無漏道
聖解脫法當現顯
百千萬劫莫能了
唯自精勤後方證
而得之者甚難有
然後乃可證寂滅
因是漸近四真諦

人主故應修慧明
若能修此最上乘
大王當觀身念法
若無此念增惡覺
人命短促不久留
出息入息眠睡間
不久便當見磨滅
青瘀脹壞膿血流
髮毛爪齒各分散
當知此身不堅牢
是故賢聖諸智人
須彌巨海及江河
如此堅固尚摧毀
無常既至無救護
是故大王常諦觀
人身難得法難聞
既獲若斯希有身
得此妙身造諸惡
生處中國遇善友
久殖功德具諸根
若復親近見知人
是故應當樂隨順
既遇微妙清淨法
生死嶮難苦無量
我今為王略分別
三界轉變無輪際
怨親憎愛無常處
無始生死世界來
若不精勤證空智
周流五道經人天
愛別哀悲計其淚
若計一人父母者
雖受五欲天上樂
諸天壽命極長遠
歌謳倡舞流妙聲

行斯三法求解脫
則攝諸餘一切善
世尊說為清淨道
是故宜應勤修習
如水上泡起尋滅
念念恒謝常衰滅
皮肉臭爛甚可惡
虫蛆啖食至枯竭
風吹日曝漸乾盡
無量眾苦所積聚
皆觀斯過咸棄捨
七日並照皆融竭
況復若斯危脆身
不可恃怙及追求
速生厭離求勝法
猶如盲龜遇浮孔
宜應勤心聽正法
譬如寶器盛眾毒
專念發心起正願
王今滿足此眾善
佛說此為淨梵行
諸佛由此證涅槃
應當志求離欲道
窮劫宣說莫能盡
應當諦聽善思惟
父母妻子更相因
如旋火輪豈窮已
計飲母乳多大海
將來復飲無窮限
若積身骨高須彌
亦非江河所能匹
過於世間草木數
終還墜沒惡趣苦
其間娛樂難宣說
哀音和雅甚清遠

奇姿妙色極端嚴
百味盛饌皆具足
寶池香淨水恒滿
眾鳥異色集其上
諸天遊戲浴其內
福盡臨終五衰現
是故雖有天女娛
雖居珍寶上樓觀
雖遊天上難陀園
雖浴諸天曼陀池
雖復位處轉輪帝
雖受梵天離欲娛
雖居天宮具光明
所謂黑繩活地獄
是八地獄常熾燃
或受大苦如押油
或解支節今分散
或以沸銅澍其口
鐵狗競來爭食噉
眾類毒虫並齧齧
大火猛盛俱洞燃
鑊湯騰沸至高涌
人命危朽甚迅駛
若人於此短命中
當知此心甚堅固
若見圖畫聞他言
如是知時已難忍
無間無救大地獄
若復有人一日中
比阿毘獄一念苦
受此大苦經一劫
如是苦惱從誰生
大王今雖無斯患
於畜生中苦無量
無有信戒多聞故

圍遶侍衛相娛樂
隨意所翫自然至
周匝羅覆諸妙花
哀聲相和出遠音
如是歡娛不可說
爾時生苦踰前樂
智者見之已生厭
亦必退墮臭穢處
會亦還入刀劍林
終必墜於灰河獄
歸為僮僕被驅使
還墜無間熾然苦
後入地獄黑闇中
燒割剝刺及無間
皆是眾生惡業報
或碎身體若塵粉
或復剝剝及燒煮
或以鐵押裂其形
鐵鳥復集共齧掣
或燒銅柱貫其身
罪業緣故無逃避
顛倒罪人投其內
譬如諸天喘息頃
聞上諸苦不驚畏
猶如金剛難摧壞
或隨經書自憶念
況復己身自經歷
此中諸苦難窮盡
以三百鉞擗其體
百千萬分不及一
罪業緣盡後方免
皆由三業不善起
若不修因緣墜落
或有繫縛及鞭撻
恒懷惡心相食噉

或為明珠羽角牙
為人乘駕不自在
餓鬼道中苦亦然
飢渴所逼困寒熱
腹大若山咽如針
裸形被髮甚醜惡
其口夜則大火燃
屎尿糞穢諸不淨
設復推求得少分
清涼秋月患焰熱
若趣園林眾果盡
罪業緣故壽長遠
受眾楚毒無空缺
正覺說斯苦惱因
若天福盡有餘善
後設懈怠福都盡
或生修羅起貢高
諸天雖有善根行
是故當知嫉妬結
大王汝今已具知
應當勤修出世善
若加精進斷諸有
當勤持戒習禪智
涅槃微妙絕諸相
亦無山河與日月
若欲證於無師智
若有乘斯覺分船
佛所不說十四法
唯當正心勤精進
無明緣行識名色
有則緣生生緣死
如是正觀十二緣
若欲次第見四諦
雖居尊榮處五欲
此果不可求餘人

骨毛皮肉致殘害
恒受瓦石刀杖苦
諸所須欲不隨意
疲乏等苦甚無量
屎尿膿血不可說
如多羅樹被燒剪
諸虫爭赴共啖食
百千萬劫莫能得
更相劫奪尋散失
溫和春日轉寒苦
設至清流變枯竭
經有一萬五千歲
皆是餓鬼之果報
名曰慳貪嫉妬業
因此得為人中王
必墜三惡無有疑
患嫉貪害增諸惱
以其慳嫉失利樂
為深惡法宜棄捨
生死過患多眾苦
如渴思飲救頭燃
於諸善中最無上
調伏其心求涅槃
無生老死及衰惱
是故應當速證知
應當專修七覺法
生死大海易超渡
但生信心莫疑惑
決定修習諸善法
六入觸受愛取有
若盡生死因緣滅
是人則見聖師子
當勤修習八正道
亦得聖道斷諸結
必自心會乃得證

我說眾苦及涅槃	欲為潤益大王故
不應生於怖畏心	但勤誦習行諸善
心為諸法之根本	若先調伏事斯辦
我說法要略分別	王不宜應生足心
若有大智更敷演	亦當至心勤聽受
王今名為大法器	若廣聞法必多益
若見有修三業善	應深助生隨喜心
自所行善及隨喜	如是功德悉迴向
王當仰學諸賢聖	如觀音等度眾生
未來必當成正覺	國無生老三毒害
大王若修上諸善	則美名稱廣流布
然後以此教化人	普令一切成正覺
煩惱駛河漂眾生	為深怖畏熾然苦
欲滅如是諸塵勞	應修真實解脫諦
離諸世間假名法	則得清淨不動處
若有婦人懷害心	如此之妻宜遠離
設有貞和愛敬夫	謙卑勤業若婢使
恒為親友姊妹想	此宜尊敬如宅神
我所說法正如是	王當日夜勤修行

龍樹菩薩為禪陀迦王說法要偈